

ԳԵՐԱԳՈՒՅՆ ՀՈԳԵՎՈՐ ԽՈՐՀՐԴԻ ՆԻՍՏԸ ՄԱՅՐ ԱԹՈՌ ՍԲ. ԷՋՄԻԱՇՆՈՒՄ

1997 թվականի դեկտեմբերի 16-19-ը Մայր Աթոռում գումարվեց Գերագույն Հոգևոր Խորհրդի հերթական ընդլայնված նիստը՝ նախագահությամբ Ն.Ա.Օ.Տ.Տ. Գարեգին Ա Ամենայն Հայոց Կաթողիկոսի և ատենապետությամբ Եգիպտոսի Հայոց թեմի առաջնորդ Զավեն արք. Չիմչիմյանի և Ամերիկայի Միացյալ Նահանգների Արևմտյան թեմի առաջնորդ Վաչե արք. Հովսեփյանի:

Նիստի օրակարգում ընդգրկված էին պատմական եկեղեցիների վերանորոգության, եկեղեցիների կառուցման, Գևորգյան հոգևոր ճեմարանի զարգացման, հոգևորականների պատրաստության, քրիստոնեական դաստիարակության տարածման, կրոնի ուսուցիչների պատրաստման համար դասընթացների կազմավորման դրական և քաջալերական երևույթները և որոշվեց առավել ուժ տալ նրանց զարգացմանը: Բնարկվեցին նաև քրիստոնեության ընդունման 1700-ամյակի կապակցությամբ կատարվող աշխատանքները, միջազգային Աթոռների հետ հարաբերությունները, Երևանի Մայր Տաճարի կառուցման ընթացքը, Հայ Եկեղեցու Կանոնադրության հարցը, Մայր Աթոռի տնտեսական-ֆինանսական կացությունը և այլ հարակից հարցեր:

Նիստի առաջին օրը Վեհափառ Հայրապետը ներկայացրեց վերջին տասը ամիսներին Մայր Աթոռի կատարած բազմաթվյալ գործունեության համապարփակ և ամփոփ պատկերը: Խոսվեց Մայր Աթոռի միաբանության, հոգևոր ճեմարանի, տպարանի գործունեության մասին, տեղեկություններ տրվեցին հովվապետական այցելությունների, ինչպես նաև Մայր Աթոռ Ա. Էջմիածին կատարված այցերի, միջեկեղեցական հարաբերությունների մասին:

Դեկտեմբերի 17-ին 1700-ամյակի տոնակատարության ջանարկմանը մասնակցեց և պետական հանձնաժողովի կարծիքներն ու դիտողությունները Խորհրդի անդամներին ներկայացրեց տոնակատարության պետական հանձնաժողովի նախագահ Գագիկ Հարությունյանը: Նա ժողովականներին ներկայացրեց պետական հանձնաժողովի իրենական ծրագրերը՝ ներառում են գիտական հրատարակություններ, գիտական համաժողովների կազմակերպում Հայաստանում և արտասահմանում, մշակութային միջոցառումներ: Մասնավորապես եկող տարի նրկու խոշոր գիտաժողովներ կկազմակերպվեն Երևանում և Միլանում: Տեղեկացվեց նաև, որ պետությունով զգալի գումարներ կտրամադրվեն Երևանում կառուցվող Սբ. Գրիգոր Լուսավորիչ Մայր եկեղեցու շինարարությանը: Վեհափառ Հայրապետը բոլոր ժողովականներին տեղյակ պահեց այն մեծ ծավալի աշխատանքների մասին, որ կատարում է «Հայաստան» համահայկական հիմնադրամը Հայաստանում և Արցախում և կոչ արեց թեմակալ առաջնորդներին քաջալերել սույն համազգային գործին:

Դեկտեմբերի 18-ին, ժամը 15.00-ին, Հանրապետության նախագահ Լևոն Տեր-Պետրոսյանը ընդունեց Ամենայն Հայոց Վեհափառ Հայրապետին և Գերագույն Հոգևոր Խորհրդի անդամներին՝ նախագահական նշտավայրում: Հանդիպման ընթացքում նախագահը շեշտեց, որ պետության և Եկեղեցու փոխհարաբերություններն ընթանում են բնականոն ճանապարհով, մեծապես գնահատեց Մայր

Աթոռի հետզհետե ծավալվող գործունեությունը՝ հատկապես նոր հոգևորականների պատրաստության գործում և միջեկեղեցական ասպարեզում, հավաստիացրեց, որ 1700-ամյակի տոնակատարության խնդիրը գտնվում է պետության ուշադրության կենտրոնում: Վեհափառ Հայրապետն իր գոհունակությունը հայտնեց նախագահին՝ արտահայտված թարթի գնահատականի համար, և հույս հայտնեց, որ պետություն-եկեղեցի համագործակցությունը հետզհետե ավելի կխորանա՝ ի շահ մեր հայրենիքի և ժողովրդի:

Գեկտեմբերի 19-ին Գերագույն Հոգևոր Խորհրդի հերթական նիստը փակվեց՝ օրհնությամբ Ամենայն Հայոց Վեհափառ Հայրապետի:

Նիստի աշխատանքներին մասնակցում էին Արարատյան Հայրապետական թեմի առաջնորդական փոխանորդ Գարեգին արք. Ներսիսյանը, Մայր Աթոռի դիվանապետ Ներսես արք. Պողոսյանը, Արևմտյան եվրոպայի հայրապետական պատվիրակ և Փարիզի առաջնորդ Գյուտ արք. Նազգաշյանը, Վիրահայոց թեմի առաջնորդ Գևորգ արք. Սերայդարյանը, Մայրագույն Արևելքի հայրապետական պատվիրակ, Ավստրալիայի և Նոր Զելանդիայի առաջնորդ Աղան արք. Պալիոզյանը, Արգենտինայի թեմի առաջնորդ Գիսակ արք. Մուրադյանը, Ամերիկայի Միացյալ Նահանգների Արևելյան թեմի առաջնորդ Խաժակ արք. Պարսամյանը, Արմավիրի թեմի առաջնորդ Ասողիկ եպս. Արիստակեսյանը, Արցախի թեմի առաջնորդ Պարզե եպս. Մարտիրոսյանը, Սյունյաց թեմի առաջնորդ Աբրահամ եպս. Մկրտչյանը, Գերագույն Հոգևոր Խորհրդի աշխարհական անդամներ Վլադիմիր Բարխուդարյանը, Գրիգոր Խաճչյանը, Պիոն Հակոբյանը և Ռաֆայել Պապայանը: Ժողովի մասնակիցների թվում էին նաև Գերագույն Հոգևոր Խորհրդի երկու նոր անդամները՝ Ուկրաինայի թեմի առաջնորդ Նաթան եպս. Հովհաննիսյանը և Գեղարքունյաց թեմի առաջնորդ Անանիա եպս. Արաքաշյանը, որոնք այսուհետ Գերագույն Հոգևոր Խորհրդում կփոխարինեն Ծիրակի և Գուգարաց թեմերի նախկին առաջնորդներ Գրիգորիս արք. Բունիաթյանին և Արսեն արք. Բերբերյանին:

ՄԱՍԼԱՆ ԴԻՎԱՆ ՄԱՅՐ ԱԹՈՐԻ